

Bi Sparlings is hüt Kindelbir.
 Uns' Vochen steit in vullen Stat,
 In brunen Snipel glatt un schir
 Vör sine Husdör all parat.
 Hei swenzelirt dor up un dal
 Un släut' sif wat un kickt denn mal
 Nah Lotting in dat Finster rin,
 Ob s' noch nich ball süll jarig sin:
 „Na, Lotting, spand Di doch ok ball,
 Du fallst mal seihu, sei kamen all.“ —
 „„Wat heft Du hüt denn för en Drinwel?““
 Fohrt Lotting up: „„Stü'r Dinen Gihwel!
 Ik möt mi irst dat Hor doch maken,
 Un nahsten fall 'k noch Koffe kaken.““ —
 Spatz seggt hüt nick's un swenzelt wedder los,
 Doch wohrt nich lang', denn kickt hei wedder rin:
 „Na, Lotting, ik bin niglich blos,
 Ob hei woll süllwsten hir ward sin?“ —
 „„Wer?““ fröggt sin Fru. — „Nu, hei,“ seggt Spatz.